

ಯೋಹಾನನು ಬರೆದ ಮೂರನೆಯ ಪತ್ರಿಕೆ ಯೋಹಾನನೇ ಲೀಖ್ಯೋತೆ ತೀನ್ನಿ ಚಿಟ್ಟಿ ಮಾಲುಮ್ ಕರಾನು

ಯೋಹಾನನೇ ಲೀಖ್ಯೋತೆ ತೀನ್ನಿ ಚಿಟ್ಟಿನ ಯೋಹಾನನೇ ಕ್ರಿಸ್ತನಿ ವೈದಾಖ್ತನ ವಾರ್ 50 ಅಜ್ಜು 100 ವರಖ್ತನಿ ಬೀಚ್ಚಲೀಖಿರಾಖ್ಯೊಸ್. ಯೋಹಾನಾಸ್ ಲೀಖಾಪಟ್ವಾಳೊ ಕರಿ ಬೋಲಾನ ಬದಲ್ ಯೋ ಏಕ್ ಗಲ್‌ಡೊಕರಿ ಬೋಲಿಲೇಸ್. 1:1 ಯೋ ಇನೆ ಲೀಖ್ಯೋತೆ ಬೇನಿ ಚಿಟ್ಟೇಮ ಬೋಲಿರಾಖ್ಯೋತೆ ತಿಮ್ಮಸ್ ಬೋಲಸ್ 1:1 ಯೋಹಾನನೇ ಲೀಖ್ಯೋತೆ ಸುವಾರ್ತೆ ಅಜ್ಜು ತೀನ್ ಚಿಟ್ಟಿ ಹುಯಿರುತೆ ಪಹಿಲಿ ಯೋಹಾನ, ಬೇನಿ ಯೋಹಾನ, ಅಜ್ಜು ತೀನ್ನಿ ಯೋಹಾನ ಚಿಟ್ಟಿಖ್ತಾರಿ ಯೋಹಾನನೇ ಎಫೆಸಮ ಜಿವ್ವುಕ್ಕರುಕರ ತದೆ ಲೀಖ್ಪಿರುಸ್ ಕರಿ ವಿಶ್ವಾಸ್ ಕರೆಚ್ಚಾಯ್.

ಯೋಹಾನಿ ಆ ಚಿಟ್ಟಿ ಗಾಯಕರಿ ನಾಮ್‌ವಾಳ ಏಕ್ ವಿಶ್ವಾಸಿನ ಲೀಖಿರಾಖ್ಯೊಸ್. ಯೋ ಗಾಯನ ಇನೊ ದೋಸ್ತಿಕರಿ ಬೋಲಿಲೇಸ್. ಅಜ್ಜು ಯೊ ಝಗೊನ ವಾಟ್‌ಪರ್‌ಕರಿ ಪಡ್ತಹುಯಿನ್ ಜಾವಾಳ ವಿಶ್ವಾಸಿ ಬೈಯೇವ್ವ ಉಪಚಾರ್ ಕರ್ನುಕರಿ ಇನ ಖ್ವಂಜ್‌ಕಾರ್ ದೇಸ್.

ಕಾಡಿದೇಖೊ

- 1 ಯೋಹಾನ ಇನು ಚಿಟ್ಟಿನು ಪರಿಚಯ್ ಕರಸ್. 1:1
- 2 ಇನಕೇಡೆಥು ಗಾಯನನ ಹುಮ್ಮುಖ್ ದೇಸ್ ಅಜ್ಜು ಕೇಡೆ ರ್ಡ್ವಾಳನ ಸ್ವಾಗತ್ ಕರಾನಖ್ವಾಜಿ ಮಾರಗ್ ವತಾಳಸ್. 1:2-8
- 3 ಇನಪಾರ್ ಥಿಯೊತ್ರಿಪ ಅಜ್ಜು ದೆಮೆತ್ರಿಯಕರಿ ಬೇಜ್ಜಣಾನಿ ಬಾರೇಮ ವಾತೆ ಬೋಲಸ್. 1:9-12
- 4 ಕಡೇಶಿಮ ಇನೆ ಚಿಟ್ಟಿನ ಖ್ವತಮ್ ಕರಸ್. 1:13-15

1 ಸಬೇನೊ ಶಾಣಾವ್‌ಮ ಏಕ್‌ಜ್ಜಣೊ ಹುಯಿರೋತೆ ಮೆ, ಖ್ವಾಚಮಾಬಿ ಪ್ಯಾರ್ ಕರುಸ್ತೆ ಮಾರೊ ಪ್ಯಾರ್‌ನಿ ಗಾಯನ ಲೀಖುಕರುಸ್ತೆ

ಶಾತ್‌ಕತೊ,

² ಮಾರೊ ಪ್ಯಾರ್‌ನೊ ದೋಸ್ತ್ ತೂ ತಾರಿ ಆತ್ಮನಿ ಬಾರೇಮ ಭಡಿರೋಸ್ತೆ ಪರಕ್ಮಾಸ್ ಖ್ವಾರಿಸ್ ವಾತೆಮಾಬಿ ಭಡ್ತೊಹುಯಿನ್ ಅಲ್ಫಿಪಣ್ಣೆಥಿ ರ್ಲೇವ್ಣುಕರಿ ಮೇ ಪ್ರಾರ್ಥನೆ ಕರುಸ್.

³ ಬೈಯೇಖ್ವಾರು ಕದಕದೇಬಿ ಮಾರಕನ ಐನ್ ತಾರಮಲ್ಲಾತೆ ಖ್ವಾಚನಿ ಬಾರೇಮ ತೂ ಖ್ವಾಚೊಹುಯಿನ್ ಜಿವವಾಳೊ ಕರಿ ಬೋಲಾನು ಖ್ವಮ್‌ಜಾನಿ ವಖ್ಡೆತೆ, ಮೇ ಘಣು ಖುಷಿಕರಲ್ಯೊ.

⁴ ಮಾರ ಲಡ್ಕಾ ಖ್ವಾಚಿನ ಲೀನ್ ಜಿವವಾಳ ಹುಯಿರಲ್ಹಾಸ್ ಕರಿ ಬೋಲಾನು ಖ್ವಮ್‌ಜಾಯೆತ್ರೆ ಘಣಿ ಖ್ವುಶಿ ಬಿಜ್ ಶನಾಮಬಿ ಕೊಯ್ಲಿ.

ಗಾಯನಿ ಖ್ವರಾವ್ಣಿ

⁵ ಮಾರೊ ಪ್ಯಾರ್‌ನೊ ದೋಸ್ತ್ ತು ಬೈಯೇ ಭೇನೆವ್‌ನ ಇನೇಥಿಬಿ ಜಾಖ್ತ್ ಮಾಲುಮ್ ನಾರ್ಡ್ಡುಯತೋಬಿ ಘಣಿ ವಿಶ್ವಾಸ್‌ಥಿ ಕಾಮ್‌ಕರುಕರಸ್.

⁶ ಇವ್ಣೆ ಸಬೆನ್ ಖ್ವಾಮ್ಣೆ ತುನೆ ದೆಖಾಡ್ಯೊತೆ ಪ್ಯಾರ್‌ನಿ ಬಾರೇಮ ಸಾಕ್ಷಿ ಬೋಲ್ಯು. ಇವ್ಣೆ ಇವ್ಣಿ ಚಾಲ್‌ನ ಬಿಜ್ಲೂಬಿ ಆಗಾಡಿ ಚಲಾವ್‌ತು ಜಾವಖ್ವರ್ಕು ದೇವ್ ಪಸಂದ್ ಹುವಾನಿ ವಾಟ್‌ಪರ್ ಇವ್ಣೆ ಚಾಲಖ್ವರ್ಕು ತು ಇವ್ಣುನ ಮದತ್ ಕರಲ್ಯು.

⁷ ಶನಕತೊ ಇವ್ಣೆ ಕ್ರಿಸ್ತನು ನಾಮ್ ಪೈಲಾವನ ಟೇಕೆಥಿ ನಿಕ್ಕಿರಲ್ಹಾಸ್. ಅಲಕ್‌ಅದ್ವಿವೊ ಕಂಥು ಶಾಪ್ತಿ ಮದತ್ ಲೈವಾನಖ್ವಾಜೆ ಕಾಹೆ.

⁸ ಇನಾಖ್ವಾಜೆ, ವಿಶ್ವಾಸಿ ಹುಯಿರಾತೆ ಅಪ್ಣೆ ಅಧ್ರಾನವಾಳಾನ ಮದತ್‌ಕರಲ್ಯು. ಆಮ್ ಇವ್ಣೆ ಖ್ವಾಚನಖ್ವಾಜೆ ಕರಾತೆ ಕಾಮ್ ಅಪ್ಣೆಬಿ ಭಾಗ್ ಹುವಾನಿತರ ಉಶೆ.

ದಿಯೊತ್ರೇಫ ಅಜು ದೆಮೇತ್ರಿ

⁹ ಸಬೆನ್ ಮೇ ಏಕ್ ನ್ಹಾನಿ ಚಿಟ್ಟಿ ಲೀಖ್ಯೊಥೊ; ಕತೋಬಿ ದಿಯೊತ್ರೇಫಸ್ ಹಿಜ್ಜಾನಿ ಸಬೆನ್ ಘಲ್ಡೊ ಹೋಣುಕರಿ ಆಖ್ವರ್ಕರಸ್ ಇನಖ್ವಾಜೆ ಹಮೆ ಬೋಲಿಯೇತೆ ವಾತೆನ ಖ್ವಮ್‌ಜಕೊಯ್ಲಿ.

10 ಇನಖ್ವಾಜೇಥಿ,ಮೆ ಹಿಜ್ವಾ ಆವಾದಿನ್ ಯೊ ಕರಾತೆ ಕಾಮ್ನಿ ಬಾರೇಮ ಖ್ವಾರನ ಬೋಲಾಶೆ. ಯೋ ಬಡೈ ಮಾರವಾಳೊ ಹುಯಿನ್, ಅಪ್ಪಿಬಾರೇಮ ಝೂಟೆ ಪೈಲವ್‌ಕರಸ್. ಅಜು ಖೆವ ಭೈಯೇವೋನಾಬಿ ಮಳ್ಳೆಲೆಯಿಕ್ಕೊಯ್ನಿ ಅಜು ಮೆ ಮಳಾವ್ಣುಕರಿ ಕರುಸ್ತೆ ಇವ್ಣುನಾಬಿ ಆಡೊ ಆಯಿನ್ ಸಬೇಥಿ ಕಾಡಿನಾಖಸ್.

11 ಮಾರ ಪ್ಯಾರನೊ ಭೈ ತು ಖರಾಬ್ ಚಾಲ್ ನಾ ಚಾಲ್ನುತೆ, ಅಲ್ಫಿ ಚಾಲ್‌ಚಲಣ್ ಚಾಲವಾಳೊ ಹುಯಿರೈ; ಅಲ್ಫಾನ ಕರಾವಾಳೊ ದೇವ್‌ಭಣಿವಾಳೊ ಹುಯಿರೋಸ್. ಖರಾಬ್‌ನ ಕರಾವಾಳೊ ಕದೇಬಿ ದೇವ್ ದೇಖೊಕೊಯ್ನಿ.

12 ದೆಮೇತ್ರಿಯನಿ ಬಾರೇಮ ಅಖ್ವುಜ್ಞಣು ಅಲ್ಫೊಸ್‌ಕರಿ ಬೋಲಸ್. ಸಾಕ್ಷಿಬಿ ಲೀರಾಖೊಸ್. ಎತ್ರೇಸ್‌ಕೊಂತೆ ಹಮೆ ಇನಿ ಬಾರೇಮ ಸಾಕ್ಷಿ ಬೋಲಯೇಸ್; ಹಮಾರಿ ಸಾಕ್ಷಿ ಖ್ವಾಜುಕರಿ ತುನ ಮಾಲುಮ್ ಛಾ.

ಖ್ವರ್ತಿನಿ ಖ್ವಲಾಮ್

13 ಮೆ ತುನ ಲೀಖಾನು ಜಾಖ್ವತ್ ಫಿ. ಕತೋಬಿ ಲೀಖಾಣಿಥಿಬಿ ಇಂಕ್‌ಥಿ ಕಾಗತ್‌ಪರ್ ಲೀಖಾನ ಮನ ಪಸಂದ್ ಕೊಯ್ನಿ.

14 ಮೆ ಜಲಾದಿ ಆಯಿನ್ ತುನ ದೆಖಿಶ್‌ಕರಿ ಭರೋಖೊಕ್‌ಕರುಸ್. ತದೆ ಅಪ್ಪೆ ಆಮೆಖ್ವಾಮೆಥಿ ವಾತೆ ಬೊಲಿಯೆ.

15 ತುನ ಶಾಂತಿ ಹುವಾದೆ. ದೋಸ್ತಿಖ್ವಾರು ತುನ ಖ್ವಲಾಮ್ ಕರಸ್. ಹಿಜ್ವಾತೆ ಹರೇಕ್ ದೋಸ್ತ್ ಖ್ವಾರಾನ ನಾಮ್‌ಧರೀನ್ ಖ್ವಲಾಮ್‌ಬೋಲ್.

ದೇವಿ ಖಾಚಿ ವಚನ್
The New Testament in the Vaagri Booli language of
India: ದೇವಿ ಖಾಚಿ ವಚನ್ (Bible)

copyright © 2023 The Word for the World International

Language: (Vaagri Booli)

Contributor: The Word for the World International

ದೇವಿ ಖಾಚಿ ವಚನ್
ವಿ ಒಪ್ಪಂದಾನ, 2023

The New Testament in Waghri Vathe Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

c0e4b622-a4d7-5e71-865e-40f2bf35bd06